

دینی ، علمی ، ادبی و اجتماعی

محفل

جلد ۵ ۱۳۳۸ سنه ۵

مجمع التلاوة

شیمدیلك عربی آیلری ابتداسنده نشر اولونور .

صارف ، مدیری ، محرری :

ربیع الاخر

۱۳۴۳



جزء

۵۴

شرائط تحریر: اسلامك نفغه خادم یازیلر مع التشر قبول ونشر اولونور . یازانك شخصیتی دکل ، یازینك ماهیتی نظر دقته آ لینیر . کونده ریله جك آثار اوقوناقلی ومختصرجه یازیلش اولمالیدر . کلن یازیلردن شایان قبول کوروللر تاریخ صیراسیله درج ایدیلیر .

شرائط اشترای: هر سنه نك برنجی وایکنجی آلی آیلغندن اعتباراً آبونه قید اولونور . سنه لکی پوسته اجرتیله برابر : ۱۰۰ ، آلی آیلغی : ۵۰ غروشدر . ممالک اجنیه ایچین ۲۰ و ۱۰ غروش علاوه سی لازمدر .

محفل

۱۳۳۸

مجموعه سنك یکن سنه لره عائد وپك چوق معلومات مفیده یی حاوی اولان نسخهلری منتظماً دیکلیمش واوزه درلینه قالین بررقاق کچیرله رك مجلد کتاب حالته کثیریشدر . خیرالانیس اولانیله جك بونقیس کتابلردن برنجیسنك موجودی بیتمش ، ۷-۱۲ نجی نسخهلری پراکنده اولارق قالمشدر . بهر نسخه سی ۱۰ غروشدر .

۳۴۲ و۴ نجی جلدلرک بدلیده پوسته اجرتیله برابر یوزر غروشدر . طوغرودن طوغرویه اداره خانه یه ۲۰۰ غروش کونده ریلدیکی صورنده هراوج جلدی یوللانیر .

نسخه سی ۱۰ غروشدر .

طعمی و رایحه‌سی تأثیر نیدن اولمالی که قولاق‌ریکرده
سکر طیب‌سی بولونویور . ینه غربلی آغیزلردن
چیقان اوحق سسلری دویمایورسکز .

باشلانغی غفلت ، نهایی انحطاط و سفالت
اولان بوکی ضلالت و سفاهت‌ری عقیده مخصوصه
اتحاد ایدنله ، برده اولنری عصریلك دییه‌رك
نشر و تعمیمه فی سبیل الشیطان غیرت کوسترنله
قارشى معقول و نافع ترقیه طرفدار اولانلریکیزک
نه دیمه‌سی لازم کلیور ... »

درونی ندانک بو حقلی و آجیقلی سؤالنه جواب
ویرمه‌یه وقت قالمادی . چونکه : خطبه ختام
بولش ، قامت کتیریلوب نمازه طورولمشدی .
خطیب افندی ، فاتحه شریفه‌دن صوکر ا یوقاریکی
سوره جلیله‌نی قرائت ایتدی .

دیمک که جواب مطلوبی کلام الهی ویریوردی .

ظاهر المولوی

تفسیرلر — مفسرلر

هوا و هوسه کوره یا پیلان تفسیرلردن

برنجی نمونه : (جمعسق) ده کی (ح) حرب علی
ومعاویه (م) مروانک والیلکی (ع) عباسیلرک تسلطی
(س) سفیانلرک آمارتی (ق) قدوه مهدی ، یعنی
مهدی چیقوب مقتدابه اولماسی ایش .

ایکنجی نمونه : (ولکم فی القصاص ..) آتی ،
معلوم قتل و اعدام معناسنه اولان قصاص حقنده
دکل ، بلکه قصص قرآنیه حقنده ایمن . شو حالده
معنی « سزک ایچون قصص قرآنیه‌ده حیات ، یعنی
عبرت واردر » دیمک اولورمش .

اوچنجی نمونه : « ابن فورک » کی برداهینک
آغیزلردن چیقان بر صاحب‌ادر : (ولکن لیطمئن قلبی)
ده کی قلبدن مراد ، ابراهیم علیه السلام قلبی کی
سودیکی بر دوستیدرکه بونکله ابراهیم علیه السلام

جانی کی سودیکی دوستنک شو ماجرای احیای
مشاهده ایدرک کمال اطمینان ایله علم حاصل ایتسی
اولدیغی ، یوقسه کندیکن قدرت الهیه‌ده ذره‌ما
شبه‌سی بولنمادیغی افاده ایتک ایسته‌مشدر .

دردنجی نمونه : (ربنا ولا تحملنا ما لا طاقة لنا به)
آیتنده طاقتنکذار اولامایه جعمر شینک عشق
و سودادن عبارت اولماسیدر .

بشنجی نمونه : ومن شر (غاسق اذ اوقب) آیتنده
شرندن استعاده اولنان شینک شهوت زوریه آت
تناسک قیام وقوامه کله‌سندن عبارت اولماسی ودها
بوکی عالم اسلامی بشریت نظرنده کوچوک دوشوره‌چک
شیرو خرافه‌لر واردرکه ذکرندن بیله حیا ایدهرز .

بر ایکی سنه‌در ، بعضی سورلره کویا تفسیر
اوله‌رق رساله شکلنده یازیلش پارچه‌لره تصادف
اولنمقده‌در . بونلرده کی طرز انشانک سقامتی ولسان
عربی اوزره نازل اولان قرآن میذک قواعد لسانییه
مخالف برطرزده تفسیری یک نظرده ارباب علم
و عرفانک نزدنده خیر قبول بولامایه‌حنی درکار
ایسه‌ده او کی ابجد حساباتی ایله قرانی معما شکلنه
قویان وینه اوراده کی تلاعب بالحروف تعبیرنجه
کلام الهی اویونجاق صحنه‌سنه دوندورن اثرلرک تفسیر
ویا تاویل ایله هیچ مناسبتی بولونمادیکنک بیانیله
برابر یوقاریده کی خطانک هم دلیله ، هم مدلولده
اولان قیسمنه بورساله‌لر نمونه اولارق کوستریله بیلیر . (*)

تفسیر بالدرايه حقنده ماوردی نک مطالعه‌سی :
فقه‌ای شافعیه‌دن ، مفسریندن ، ابدادن و سیاست
اسلامیه حکما‌سندن (ابوالحسن الماوردی) تفسیر
بالدرايه‌نک جوازینه شدتله طرفدار اولوب تأیید
مدعا ایچون بروجیه آتی غایت مقنع و ملزم دلائل
(*) شوقره ، عینتاب علما‌سندن عبدالله ادیب
افندیکنک سؤال متقدمه جواب‌در .

سرد و اتیان ایدیور :

(من فسر القرآن) حدیثی دعوی زهد و ورعه حد معروفی تجاوز ایدن بعضی کیمسه لر ظاهری اوژیینه حمل ایده زک زوایتہ مستند اولمایان هیچ بر تفسیرک دین اسلامجه مظهر قبول اولمایه جنی اعتقادنده بولونورلر و کندیلرینک نزدنده هیچ بر نقل صریحه معارض دوشمه یین نیجه ادله و شواهد قائم اولسه بیله کندی اجتہادلریله معانی قرانیہ استنباطندن شدتله امتناع ایدولر . حال بوکه ائی دوشونه جک اولسه لر (لعلہ الذین یستنبطونہ) آیتیه قرآن کریمده نظر ومفاکره و استنباط احکام ایله موسعاً مأذون بولوندیغمز و بلکه اوکا تشویق اولوندیغمز بر امر تعبدیدن بیله بیله امر اضدن باشقه بر حرکتده بولونماقلرینی آکلارلر . اگر بونلرک دیدکلری صحیح اولسه ایدی قرآنندن هیچ بر مجتہد طرفندن هیچ بر حکم استنباط اولونماز و کتاب الله کی بر خزینه لایفانی لاهوتینک پک چوق نقاطی امت طرفندن آکلاشیلمادن مهمل بر اقیلمش اولوردی . اما دییه جکلرکه (من فسر القرآن) حدیثنک تهدیدینه قارشى نه یایلم ؟ بز ، اوکا جواباً دیرزکه :

اوراده کی تهدیدک مرجعی وهدفی ، قرآنک اقتضای لغاتی و ایجاب اسالیب بدیعہ سنه مغایرور روایات صحیحہ حدیثیه یهده منافی اوله رق محضاً زای خود پسندانه یه استناداً باییلان تفسیرلردر ، یوقسه مطلقاً تفسیرلر دکل . هم افندیم (القرآن ذلول ذو وجوه فاحملوها علی احسن وجوهها) یعنی « قرآن ، متفکر دماغلره و خالصانه معانی جلیله سنی آرشدیرانلره قارشى عایت یوموشاق خویلودر . اونک وجوه عدیده بی وازدر . سز ، اونى او وجوهک اک کوزه لنه حمل ایدیکز » حدیثیه امتنی قرانده تفکره سوق و استنباط احکامه تشویق ایله یین بر پیغمبر حکیم ، ناصیل اولورده یینه او استنباط و تفکر دن منع ایدر ؟

الاهیات فاکولته سی تفسیر و تاریخ تفسیر مدرسی

بر غملى جهودت

صلاة کسوف

— کچن نسخهدن مایهد —

حضرت ابراهیمک وفاتندن براز صوگرا ، یعنی اونجی سنه هجریه طرفنده بر صبحا بر یهودی قادینی ، جناب عائشه نك زیارتنه گلش ، لاقیردی اثناسنده ام المؤمنینه خطاباً « الله سنی عذاب قبردن محافظه ایتسین » دیمشدی . حضرت عائشه ، ناسک قبرده معذب اولوب اولمایه جنی رسول اکرم دن استفتا ایله مش ، ذات اقدس رسالتده « عائذاً بالله من ذلك » بویوردقن صوگرا را کباً بر زره عزیمت و کونشک انکسافی اوزمه یینه ضحی وقتنده عودت بویورمشدی ، بعضی کیمسه لرک کسوف شمسى حضرت ابراهیمک وفاتنه حمل ایتمکده اولدقلری ده مسموع پیغمبری اولمشدی . بناء علیه حضرت بلاله « الصلوة جامعة » دییه ندا ایتدیروپ خلقی مسجدده طوبیلامش ، قیامی ، رکوعی ، سجودی مدید اولمق اوزره ایکی ، یاخود درت رکعت بر نماز قیلدیرمشدی که ختام صلاتده کونشده کسوفدن قورتولمشدی . حضرت عائشه او نمازده کندن ده اوزون بر سجده ایتهدیکنی سویلیور . نمازی متعاقب شمس و قمرک آیات الهمیه دن ایکی آیت اولوب کیمسه نك موت و حیاتی ایچین منکسف اولمایه جقلرینی بیان و بویله بر حال وقوعنده نماز قیلمق دعا و استغفارده بولونمق لزومنی توصیه ایتمشدی .

حاجی ذهنی افندی مرجوم :

« رکوعی علیه السلام افندیز اطاله بویوردقلری ایچون ایکی یایدی ظن ایدیله رک حدیث حضرت عائشه ده صلات کسوف ایکشر رکوع ایله قیلیندی دیو روایت اولونمش و او روایت مذهب امام شافعی اولمشدر » دیور . بخاریده کی حدیث عائشه ایسه شو وجهله در .

« کسفت الشمس علی عهد رسول الله صلی الله